

道古堂詩集

道古堂詩集卷三

仁和 杭世駿 大宗

過春集

書真蹟實錄後呈彭少宰

維新

清河世胄盛文獻前宋功父後青父米家船上列書畫
小史傳鈔手自譜暇采真蹟撰實錄波磔分明機撒弩
官私圖印慎鉤摹蠹螺螭扁巧規矩丹黠粉駮絹素微
筆陣千秋自媚斌公也宿昔翰墨緣一生寢饋文字府
牙籤玉帙塞書庫三館亡書細求補鮪生七畧紛窮搜
新簿中經清可數華林片籍親攜來來訪滄浪響柔艣

維公儒術弼

天子擁傳三吳惠南土頭廳署罷紙尾書吏散晴衙日
卓午急召隄麋命虎僕坐對谿山拔魚魯當公淵洽具
公鑿似鹽入水水融乳紙香拂拂古精神灑落青瑤沁
冰腑世間肉眼半屠沽斷楮零縑棄空簸珊瑚出海鐵
網收須遣張懷瓘作估

自清江浦至紅花埠雜詩八首

春風十四橋中有畸士跡宿草葬書淫蕭瑟感行客

江都

張仲醇先生元貞博極羣書官終望江訓導南東全紹衣嘗爲余言三過邢溝而先生墓木已拱矣

莊生

謂十區

負奇氣肯兄事袁盎不寫乞米帖天骨亦骯

髀寶應袁圖南任俠
喜交結送子渡河

門外清淮流參差見帆影冷澹玉蟾蜍清夜淚耿耿

朱過

蕭千讀
書堂

舌本耽清涼耻作毀茶論風爐解眼湯青霧半窗空

汪宿

氏別
茶齋

晴泥圻龜兆舴艋擢三里不信九曲河相望一帶水

河渡

晨雞膈膊鳴油燈滿寒舍六尺黃篔簹驂駕兩老馬

王家

營曉
發

詩人陳主簿秀句割春嵐日趨雙松影寒廳未放參

順河

集別陳澤三時官
桃源主簿能詩

不見尋香人目斷紅花埠春風吹鞭絲一桁溟濛雨

傷故

妓全紅也

沂州道中憶故園梅信

買得梅花手自栽清嚴標格共徘徊荒城古驛人千里
一段生香拗不來

幾生修到玉精神說我梅花是後身日日冰霜吸清氣
與君同作耐寒人

吾家十笏小禪龕清境迢迢夢亦諳底事冰魂斷消息
更無天氣似江南

泰安靈應宮銅殿是明神宗造

九天光景結瓏玲八柱峇巖聳泰青環珮有時歸窟宅
風雷鎮日鎖窻櫺乾封雨禪遊天瑞瓊笈琅函闕道經
古栢參覃遮不盡滿階青霧晝冥冥

泰安除夕

鄉關回首隔三旬除夕蕭寥不當春輸與杜陵諸弟妹
舞衣長傍白頭人

榕城消息比如何白嶽音塵等擲梭又著一行風雪畫

泰山古道蹇驢馱

舍弟尚滯汀州伯
兄聞於嶽州度歲

心如活火不成團句敵榼梨尚帶酸想得夜來占燭影
綺窻憔悴理辛盤

禹城

鄉人沈君師穎方
罷官一孫頗賢

小市塵稀眼纈明一街寒日築毬聲故人傳說休官處
冷騎蕭蕭過禹城

平原懷古題顏平原書東方朔畫像碑後

樂陵古厭次彘代歲星謫瓌瑋上金門陸沈隱象闕榜
郭善窶藪數董莽擗戟清質故濁文潔志肯穢迹詭時
嗟不逢儵爾委仙骨叢祠表里閤寂莫照荒月遺貌緬
脩古捏素聳棲魄侍夾二細君宛若眉影媿老樹撼悲
風落葉響蕭撼壞壁失龍蛇枯椿走螻蝻淹冉歷歲時
徘徊感行客夏侯守平原有子展省謁噉辭致鞠醜爵

醕薦秘醪鴻文發鏗鏘貞石峙碑碣豈無神物呵不敵
風雨揭嵬峩斷龜趺駁癘半蟲齧魯公啟潛光同里異
代隔琬珉重磨礪筆力自超越天寶垂摩崖副本搗翠
碣臨池三摩挲親紙再嘖喏漢庭老侍郎遊戲嫚割腊
主文尚譎諫避世識明節卓哉平原守孤城支觚觥屢
黜忤權要一死折兇逆名蹟光天壤大義昭史冊作歌
質古賢生氣凜鬚髮

同巖七

在昌

坐冰牀入鄭州

白溝河水衣帶長凍堅澤腹斷葦航琉璃十里森耀芒
不輪不楫制作良麻繩彎環牽有力金柅滑澁行無方

兩已相背跂脚坐絕勝羸馬搖車箱初疑闖入水精域
又似身在白玉堂清氣一縷寒到骨宛轉洗出冰雪腸
連朝厭聽鈴馱語五更戒路支青霜眼耳鼻舌飮氛濁
那得肝膈回清涼勸君急須解塵鞵有錢何惜賃冰牀
東風取次將解凍莫待澌盡流湯湯

寓齋老杏一株花絕繁盛用漫堂竹垞兩先生集
中柳巷杏花歌韻

我本看花使小園日夕修花經客歲走京國譬箭揚風
翎倦眼未洗塵漠漠短髮忽點星星旅舍富林壑晝
靜如郊垞一株老杏森刺目醉態似被風吹醒春光九

十將過半輕烟不散酥雨零挑菜淪嫩甲啜茗揀苦丁
丁香百結未放白竹篠幾個初抽青畫牆低處亞字缺
脉脉露出干娉娉朱屑粉靨費晤對老榦色作青銅餅
托根羨爾已得所位置況有香茆亭東皇作意做寒食
淺苞綴露搖清冷宋朱二老盛詞賦冶遊極口誇支硎
江南二月春雨歇深巷此日聲堪聽令我鄉思轉撥觸
小樓一角勞吟嬾生香活色映餘媚姪枝穠朶紛殊形
酒旗飄颺泥遊展幾家村店臨回汀柳腰綽約麴塵動
繁英飛入紅窻櫺此景可與此花語對花恹悵盃還停
須臾疎月澹檐罅玉顏四照烟冥冥

齋中芍藥

豐臺花擔曉盈筐折得生枝露浥房
閉閣靜宜三月雨
卷簾先透二分香
紅燈不擬添潮暈
玉頰偏教膩粉光
太息春風易離別
一尊婪尾九迴腸

蒼施

安

卽次其在都時見懷韻

劇憐西笑故人稀
委巷蕭寥白板扉
放眼漫驚新柳帶
掉頭重理舊荷衣
蝸非蠻觸空勞鬪
鶴伴烟霞那得肥
長憶勝蓮僧社裏
白蘋吹雨滿漁磯

萬柳堂三截句

清梵三時響
粥魚亂花空
發老僧居危欄
曲處青山露

一桁斜陽曬佛書

半天婀娜綠穉抽拂拂新條亂打頭兩翼畫欄紅不斷
荻芽菱葉滿春流

溪風掠過打魚磯匝地春陰綠正肥頭白僧伽破禪寂
柳花吹點水田衣

送邵進士

大生

教授大名

邵侯越州備宿昔文字洽燕吳春草隔振眼熟羊胛七
載理幽覲古風動涼筵詩章美無度芳意擷香蕙芝英
咀九竅詞源倒三峽心花舌亦花穎秀宛可指氣類膠
漆投可許永驩狎維余振轡初當子赴官恰火雲蒸黃

梅嶽嶽正烏帽沐條稱頭銜宦海脚試插巧吏勤鞠脆
俗吏禁呀呷滔滔徒實繁熟審顏破甲不如苜蓿盤清
味冷可喋畿南千里郡鐘鼓制不狹古樂列筭虞宏議
考禘禘先生伊川裔經苑稟家法三傳究終始闕義補
鄒夾臯比坐指畫妙解息衆響聲價百城償氣象萬牛
壓賤子載垂翅蕉萃舊白袷奔走空鹿鹿蹇澀類鴨鴨
骨相知寒迤歸計事緩鉅心旌挂龜鳧迂路枉邾邾蕭
晨敏高齋嘉客興未乏茶烟紫玉芽鑪火白檀筴徵材
奇屢出鬪韻險能押或致鄢陵師各主葵邱歆元辯竟
連夕快意詎累雲枝官簡簿書冷局富箋劄清臈過四

隅光灼琉璃匣

夏日雜句十七首

濃陰綠徧小回廊
攤飯先安曲象牀
消得素馨花一霎
滿衙香氣鬧蜂黃

條然深巷淨苔痕
棗樹開花半似村
乞與一間杉屋住
綠悄悄處畫關門

危闌百尺聳松棱
山月飛來界玉繩
綠樹似雲濃不斷
一竿紅颭佛幢鐙

藤梢蔓引翠層層
涼影蕭疎一院棚
日脚不來風信透
茶瓜清絕坐調冰

花氣桐陰小院晴竹廊長日煮茶聲平生最愛簾絲颺
故昔風亭放石鐺

却掃應無襪襪借一牀疎簾竹窻排怪來花底蟬聲咽
日影翻風葉滿階

維摩經院境清嘉依舊紅塵送歲華誇道賜衣曾借紫
竹邊畱客曬袈裟

晴崖日日露孱顏一夕西風失髻鬟幾片黑雲遮兩脚
墨痕濃似虎兒山

蠅惱西窻夢不成好風吹雨莫涼生飄蕭大有江湖味
只少菰蒲水面聲

小園雨過土膏香
滴滴圓珠媚
竹光隨意便添幽
砌綠無名小草徧
西堂

蚤聲幽鳥午聲蟬
鎮伴枯齋結靜緣
鄰寺晚來鐘打動
三時清課辟支禪

綠痕涼上酒人衣
密樹鬕髻蔭十圍
不及南鄰雙老伴
一瓶紅友送斜暉

蕭蕭瑟瑟妙香含
幾本青蓮供鼻參
一道淨慈山寺路
清涼風味舊微諳

食單鮮鯽數灤河
蕨笋薑芽味較和
飽食轉思湖上水
碎萍寒雨逗微波

即看珠市擔肩果不見楊家濺齒梅對客便誇鄉味美
北山僧塢滿盤堆

溪風吹面蹙晴瀾葦路蕭蕭鴨滿灘六月陶然亭子上
葛衣先借蚤秋寒

鐺足三家洗象行小儒才薄失縱橫年年宣武門頭水
根觸噴泉刷浪聲

三家謂梅村阮亭山麓

蚤春探梅圖爲林吉士令旭題

俗眼識春不識梅俗手畫梅不畫春豈知綠萼抱孤賞
稜稜玉貌精精神花光裂礪落清峭劃破水骨開漣瀾

拗枝對面古香撲倒影寫山林通身森森冷月穿樹入

滿地畫格橫斜，陳凍雀踏，藁不敢啁，爲有索笑巡檐人。
憶松吹堂前芭蕉有寄

涼入西堂，蔭酒襟更于牆角發，孤吟初傳急雨三更響。
未放秋風一卷心，綠葉靜疑腰扇動，紅花不似膽瓶深。
年年共爾冬春別，誰識叢叢是苦音。

題陳謨

半野園圖卽送之官全州

半埜園中花木劇秀野，啾喧不到清晝扉，常扃廉纖春
雨灑落杏子瓣，斑斑苔點綠徧寒蕪，垌當頭磊砢妥置
醜面石，放眼空濶小築尖頭亭，王芻个个放葉綠沈綠
赤心纂纂結子青，蟲青雲階月地漏落春瑣碎，紅燈翠

幙搖蕩嬌娉婷層樓百尺反挂畫簾押乘風仙御縹緲
吹清冷西峯隱約蚤晚露姸嬾晴巒一幘飛入明窻櫺
黛眉螺髻長日看不厭竹闌十二曲盃供玲峴詩人陳
三閉門正覓句紫纓串串飄墮藤花廳七司條法吏部
定曹格彩選一擲湛露天街零參軍手版不許拄頤頰
只合排衙放吏給使令賦歌高唱偷試看山眼二孤玉
貌宛似夙所經山迎水送迢遞到官閣一弓張滿飽帆
風中船第三廳上風景足遊行畫鼓搥動驅走猩狔狔
綠荔支熟日午賽鞦韆紅佛桑開風動飛蜻蛉鬢鬆臙
腫放筆寫樹理青黃斑剝著色描山形燕岡越嶠咫尺

誰合并化工粉本此際含毫停寫生妙手作用太狻猊
水墨驅染草木皆英靈八千里外展卷一矯首帝城春
色指顧烟冥冥

枯竹傷陳司馬師賢

陳字鶴臯爲文貞公冢孫丁未選庶常旋以大臣薦
出佐粵西大郡中道溘逝甲辰余寓通路鶴臯從其
尊人濂村先生視漕斯土相會於城西僧舍與予脩
癸卯同籍之誼旋以事各舍去今年寓止半野園園
爲文貞休沐之地鶴臯手植竹及所題六詩尚存入
夏失雨生意頓盡若爲鶴臯殉者撫念手迹情不可

已爲賦枯竹傷之

燕地物且穢厥土惟壚墳淇園干琅玕未見篋萌掀移
植一隔歲已不復生孫條條綠淨姿簌簌青雲根日暮
戛寒玉翠裊不自溫隨牒去桂水弱質摧荒原簾影泣
湘娥斑斑漬啼痕草木有至性憔悴難爲存驚風鏘珮
環澹月淒瑤琨匝地金瑣碎照見飢鳳魂敗籜掃天帚
綠鬢孰所究攀枝感疇昔請訟巫咸寃

長行有日先期報厲孝廉

鵝

也如行脚打僧包秋露微稜暑絕交燕市賣漿人漸熟
明湖寧苻夢難拋浮雲不與深山隔獨鳥還尋老樹巢

先日馳書報猿鶴西風何以慰窮郊

出國門作四首

西風涼入袷衣輕似促羈人出鳳城雁隔斷雲聯遠陣
馬衝殘月帶班聲湖山待我看秋色驛路從頭問舊名
稍喜漸能除妄想仁祠還證古先生

塵漲都亭失翠微一行風柳撲人飛蝶將曬午先垂翅
荷爲延秋早褪衣七載舊遊程可按卅年壯志事全違
窮檐肯負名山業史稟還堪證昔非

轆轤短綆汲銀華古井無波剩可嗟隔歲夢違仙鶴髮
滿湖香負妙蓮花人材似此三十平過骨相看來百事

差蕭瑟風前一回首可堪眯目盡黃沙

館號翹材傍禁除花磚綾被近何如神仙窟宅元難占
玉雪才華似可居史局未知誰秉筆翰林聞說有羣書
朝參分與疎慵隔依舊秋風下澤車

琉璃河至三家店道中作

平橋疎雨斷寥落幾村家貧女楸花髻荒居柳葉茶石
坡秋草滑磚塔夕陽斜高樹披涼蔭棚棚喚賣瓜

新城

高樹交加綠蔭成紅闌宛轉畫橋平朝陽初起黃塵斷
一徑開門埽地聲

白溝河

青草灘灘繡鳴浮新楊才種過人頭迴軸幾折新城道
十里橫河是白溝

趙北口

荷葉錢錢葦路涼綠蘋風過蓼花香蓮蓬論把魚論秤
真個雄城是水鄉

阜昌道中

郭門相望半顏牆小綬橫橋跨柳塘烏犢飲溪侵蓼穗
紅鵝升岸戲茴香風披縹野過清氣雲卷層波逗夕光
薄板小車三十里棗青榆碧自成行

景州示陳二 兆熿

傑閣參城雉雄州氣象殊一灣因野漲十里見浮圖古
岸青蒿界秋塍翠扇鋪故人各風絮回首感羈孤

武城

武城城外漲秋渾甌脫荒涼古戍存官柳尚圍衝後岸
女牆半露浸餘痕園人曬棗升簷瓦驢子馱糧過郭門
河曲莫論風順逆蕭蕭殘照落帆昏

臨清

半規月子照彎彎把酒開窗解病顏河脚巧分丁字水
雲頭盡埽米家山雨穿屋破憐民瘠風捲沙堆卜地頑

北地沙聚則不信客舟輕似葉清秋寒露阻門關
地廢不可耕

遊臨清永壽寺觀塔

招提吾舊緣況久被塵鞿荒荒大河側湧現珠宮扉蝕
甃金碧黯壞壁莓苔肥吉祥卍字佛髮殊光生輝一落
塵沙劫苦被秋風譏小草逗寒雨吹上消瘦衣香界創
何代幾歷諸塵微野僧踏夕影手提應器歸導客觀舍
利相輪罡風威秀支雜劬禿鈴語發靜機其上迦葉波
其中香鐙輝三界晝夜轉崛峙大鐵圍扶闌聳方空篆
刻諸天妃金容森莊嚴面面流音徽怖鴿畏波吒化作
層雲飛百城烟水渺回首悲崔巍

陸進士峻 在舟苦被目疾作詩以當枚叔之發進士以醫名故結句及之

銀海層波渺渺愁泉珠鉛水滴晴秋日輪苦爲脩羅障
風劫偏從阿堵謀師遇畢迦還可懺方傳龍樹恐難求
華陽別錄君應記一洗空青翳便收

陸峻 目疾平復復請賦詩再廣前意

天根難教色見遮金鏡剗後絕纖瑕六時還汝葡萄朶
一劫餐將瀆蕩花隔樹靜觀雲有態並舟分看月同華
背山枕子如何摸于手機緣悟未差

次韻

海寧陸峻 際唐

清虛却礙片雲遮
鉞石難除半點瑕
不信交光迷正色
直教幻影亂空花
吹噓大氣涵神水
磨盪玄精受月華
我亦靜參龍木論
方懸肘後未應差

東昌

拍拍驚鷗刷短翎
團團秋囿縛茆亭
柳枝踈地因風起
吹與萋蒿一樣青

土橋牖守風

三日南風莫復朝
十程水驛路翻遙
天蒸鬱氣爲淫雨
波捲秋聲作晚潮
布席靜推來日緩
隔窻清見過帆飄
題詩欲寫天公惱
一酌寒漿問汶寥

張秋舟次

翩翩浪葉作花飄宿莽平頭稻浸腰
可惜水村秋漲濶不添三百九十橋

帆回溪轉見漁家老樹當門噪晚鴉
酒熟呼兒挂笊箸一灘開徧水蒨花

蕭蕭菽港泊斜曛半入鵝羣半鴨羣
一色琉璃水天碧界空晴擘妬羅雲

涼葉西風落未休開窗紗帽緩籠頭
千枝疎柳斜陽裏掉尾行過子母牛

濟寧竹枝詞

金龍祠近浪潛消郭外條條白板橋八牖帆檣千樹柳
就中秋士最無聊

石佛寺前秋水平石佛寺後秋草生老僧只愛秋色好
夜夜登樓看月明

澹鮮菴外水周遭纜繫青楓一樹高日莫涼波動魚叢
小船收網賣銀刀

丁字簾前郎賣茶三叉灣口妾撈鰕日莫得錢同取酒
牆頭紅壓佛桑花

紅棉熨貼唾絨堆翠葉玲瓏線麝開一闌市前陳骨董
行人爭買土宜來

舟次濟寧縛纜石佛寺前同人釀錢買醉酒後有

作四首

野塘新漲亂縱橫客裏開尊對莫城
秋到酒邊頻作達涼生鷗外各尋盟
下弦月似初三夜擊楫歌傳第一聲
共喜明朝鄒嶧近片帆好作看山行

生涯蝸縮一孤舟舟子呼風暫解憂
白舫紅鐙同此夕綠波青嶂入初秋
閒窗緩帶看行炙隔座搏拳想送鉤
如此河山如此客未應輸與五湖遊

淡月維摩入夢頻先秋瘦損苦吟身
此中大有烟霞趣我輩偏宜澹蕩人
綠酒青山供勝賞龕鐙齋板悟前因

生年未了微塵劫欲展枯碁問積薪

年華如水去駸駸清酒含愁自酌斟徧淨天空秋月冷
育王城近暮雲深偷將閑士拈槌法付與才人擊鉢吟
十載津梁苦行役打包吾欲叩珠林

龍挂

雄雷出地不肖蟄雌霓經天光漸翕黑雲油油蔽江面
蟄蟲弓肩上空立今年郡國被災苦商羊一足子且舞
厥占爲水禍東土乖龍倚仗天公威日日擎雲作風雨
鬚鬚老角侵羲輪倒吸海水梳蒼鱗神龍見首不見尾
此意欲與劉累論

過方石川太常宅

京國俄傳殞大賢，版書催赴未華顛。昌時才望登三輔，

身後清名動

九天萬里旌旄難自達

先生總藩西安行次六合而卒

七年衣鉢媿空傳

子甲辰木房代州苑雨逢先生癸巳禮闈出其門

門生也抱

羊曇淚一過西州便黯然

次厲

鶚

維揚見懷韻

大浸連青豫茫茫，斷去塵稽天復沈。陸感事鎮愁人朋，
好憂何切維摩病。正新西風有歸權，不是爲鱸蓴。

得葦浦都下書約早秋歸里逾期不至聞山左

大水作詩懷之

錢唐

厲

鶚

太鴻

長安幾朋舊往往斷音塵忽枉因風訊偏傷失意人
龍蛇爭路險波浪益愁新反媿卑棲者期君醉紫萼

虎邱登石觀音閣

傑閣重來證二依崑峩貞石有光輝

碑記爲友人馬曰璠撰

金紋

寶鬢開圓相出水當風鏤畫衣
慧鳥曉含珠露降戒香
春繞玉巖飛法音顯示潮音寂
釋胄何人爲表微

道古堂詩集卷三

道古堂詩集卷四

仁和 杭世駿 大宗

補史亭贖稿

予以八月初旬還里卽以是日見夢丁處士

敬見

良友之念我切也書此志感

斜風吹雨颭青鐙孤影蕭騷似定僧又向故人魂夢裏
秋衫涼露骨核梭

庚戌八月七日寢菑浦歸自日下爲述途次淙
水之阻語最了了後詢之果抵家於是日亦異

矣

丁敬

閒窗讀罷鼠窺鏡塊影凝然澹似僧合眼便教來好
夢故人眉宇見秋棱

蘋香齋坐月

涼月紛紛滿蕭寥野性耽風花吹不定清梵度鄰龕樹
病新霜重苔滋宿雨酣清光識人意離坐每相參

施安

招宿南屏山房予以畏雨不果次韻

白雨如絲細細生憚人腰脚媿山行秋屏展出蒼疎畫
遠水吹開澹蕩情招我入林防路滑乞君書帖報霜晴
明朝定泛菰蘆櫂共聽寒泉瑟縮聲

遶宮詞七首

端拱門前冊使過扇門簾捲樂聲和禁中徽號傳呼徧
三字新銜釋幹廢

地祇地后卒相逢車挽青牛避若風至竟君王藉雄畧
三千勁卒困盧龍

殿築昇元哭梓官龍飛星隕感無窮含情不得酬同穴
玉腕生生納柩中

四樓相望二千餘獵獵黃沙撼拂廬昨日東丹中使到
人皇新啟問安書

禁扁黃圖法式寬瓊思瑤想迴人寰清風三殿初成日
草廷猶傳內禁頒

巧製紛紛出內家
金塗鴟尾九龍車
君王日日邀同輦
看徧秋來滿谷花

深禁沈沈玉漏長
牙牀猶是待君王
迴心院冷琵琶寂
宮婢偷閒寫十香

吳山斗閣次張沅丁敬兩處士韻

傑閣軒軒繞翠巖
莊衿老帶隔塵凡
星沈玉礪儵魚靜
露下莎亭警鶴僂
誰母銅符雲滿簡
上清蝌篆石爲函

閣中舊有道藏

道人應是華陽隱
位列真靈第幾銜

雨中對菊

三十六陂涼雨四
五七朶落英洗山
一天寒豔照來獨

院空明長喙相對逾澹短夢今宵定清日莫更添蕭瑟
幾時伴我初晴

書燉煌集後寄顧行人

之璵

三水

指掌西陲聚米圖巖疆版築集烝徒天開勅勒穹廬遠
地拓瓜沙戍壘孤雞塞夢寒飛錦段雁關烽息闕金符
冰霜詩句賢勞績補入燉煌實錄無

九日集隱几山樓

圍藍削翠望周遭爽入晴空散鬱陶獨木野橋隨磻曲
尖頭小屋旁巖高迎秋花好長扶屐禁體詩成不數儺
勝日風光儘排遣但須飲酒讀離騷

送汪五之維揚卽題其行卷
霜降日雨中厲二鶚汪五沈過宿松吹書堂

草閣何來二妙投風簾樺燭不施鉤寒霜欲下先驅雁
小雨初成亦聚鷗隔樹暝陰遮瘦影對牀清夢逼殘秋
情知杞菊甘孤寂未敢尊前擬四愁

送汪五之維揚卽題其行卷

嚴霜作威菊放藥黃者正色餘蒨紫酒瓊羞澀柰爾何
攀折一枝當饒使槐塘第五詩局子衡門櫛比豐樂里
老父涉江兄走歛十日葵頤動張哆靖居恭學被飢驅
穀皮書帙邗溝度講堂兀坐作經師磨丹點黝申鞭篴
六詩三筆暇探微遊席懽塲屢摩壘盡將秋士結習緣

瑀入清寒五字裏主曰苗村

江都余元甲

師樊榭

錢唐厲鷄

力矯

頽波正風始樊榭論詩造幽澹荔裳蘿帶牽蘭芷微旨

應須蜜味叅清言瀉作溪流駛苗村句格超卑凡澀語

苦危絕比儼華峯四面類削成峽水三堆長倒徒大江

南北風雅衰敗鱗禿甲都襜褕濡雪堂標土客圖玲瓏

館析靈通指清時過從作雅娛商推風騷辨商徵乃于

二者門庭間日夕熏湔得神髓冰腸雪魄搜清嚴梔貌

蠟言籛糠秕半瓊獨聳山字肩書徧門生白棐几秋深

風勁單袂寒歸買吳綿裝布被入門姪我一編詩半歲

羈孤藉有此嗟予重慳挾單惠讀汝新詞轉無俚苦吟

何補枵腹飢人笑汝癡汝自喜馨兒呱呱月始孩姪妻
側室困骭跛一妹九月初委禽一姊十月將嫁矣貧家
舉事百物艱嫁衣端恃汝料理室中須者雙南金卷裏
珠璣空復爾我生苦爲作詩窮落魄歸來長馬齒弱齡
弟妹苦飢寒向我申申絮不已比來蹙貌日尠歡欲製
題辭失清綺上海譌傳邱令亡連墻走報及生死把君
行卷哭秋風淚染番番竹膜紙痛定腸迴自解嘲死生
得喪偶然耳龜毛兔角紛講張鼠目獐頭翻怏悒古來
聞有寶燕人世上元無刻楮技詰窘誰堪破天械摧謫
差能免法喜寺樓指眼繙梵夾亭角埋頭刪野史行歌

帶素照孱顏影落寒潭共清泚襖被蕭蕭爾漫行我自
雪中能曳履來帆定有東修羊相約銷寒過歷尾

及孝廉

聞望

歿已匝旬腹痛之悲不能自己寫五

斷句告于靈牀

童稚嬉遊到卅年里門清望過前賢江郎作宦汪倫別
獨翦寒風送紙錢

槐黃期迫鼠兒年研席曾來乞一聯侍御

徐次公杞

還朝幫

屐散忍封秋淚酌重泉

近來文士耽空綺經苑經神品口誰苦憶半瓊清獨擁
曲臺喪服細鈔時

迎秋病骨日槎牙
淚緘愁度夢華
九月釀霜風執惡
墓門吹斷日南花

共住銅街九陌塵
板牀支枕話含辛
不堪風雨重陽集
羶毳歸來哭此人

題趙叟新居

製里依然旁舊林
谿流繞屋樹連陰
野船泊岸綠萍散
山展到門紅葉深
衣桁翠分松露潤
茶牀清蒼竹風陰
隔牆不少樵漁侶
好境時時得過尋

瑟瑟深秋菊未殘
斜風細雨任相干
山妻檢歷安雲碓
樨子牽蘿補藥闌
門對兩株高鴨脚
窻橫七尺舊魚竿

蘆簾鎮日清垂地相伴鑪熏到歲寒

峻嶒玉骨鶴猶輕不用過頭杖亦行帖寫新霜報園叟
碁貪殘劫坐深更盤盤徑草芟還合策策庭梧下有聲
夢到石壇成小憩一林風月喜雙清

羅階藥艸鬪清妍丈室西風駐小年卷裏谿山得真意
靜中雞犬有僊緣烏絲紅裏能娛老白髮青鐙可破禪
瘦骨近來翻兀傲不會行乞草堂錢

萬編修經將往明州修志過予追訪舊事述長句

犬之兼以送行

勾章太守儒術吏欲以文藻輝山川鄞鄮三縣詢故老

孰克稱任無媿旃青衿諸生六七輩羣游于校裁其冠
僉曰太史九沙叟里號碩德稱耆賢 皇輿圖表受

詔撰一統方略奉 敕編自來鴻筆光史院矧此志乘

辭爲難聞人豈無夫已氏軼材諷說不足詮未若叟也

撰述卓可傳叟今七十剛華顛兩目炯炯精神完叟機

字源洪迺釋孽窠運腕如雲烟先人傳經角嶽嶽充宗先生

著有學禮質疑儀禮商周官辨非禮記偶箋學春秋隨筆季父讀史腹便便季野先生

南宋六陵遺事庚申君遺事歷代史表暨明史三百卷著書等身懼放墜叟也一

一膾寫工雕鐫紀元之考瞭指掌功與史表同精堅元紀

考一卷括歷代運歷甚晰四明文獻鬱選首造廬而請何疑焉太守

撰日具書幣涉江命使恭且虔叟承禮命夙當發高軒

過躡蓬蒿園誘我騰說遡前志黃綢煖割朝來眠張津

姜嶼之書不可觀

津撰四明圖經見宋史藝文志
嶼撰寧越風物志見文獻通考

爲叟

略數楊張前

成化時郡人楊實修四明郡志嘉
靖時鄞人大司馬張時徹修府志

寶慶纂

歷歲丁亥廬陵胡榘守慶元屬其鄉人參軍濬

序稱願
州錄事

參軍羅濬直齋書錄解題云胡
榘仲方爲守羅濬其鄉人也

甄括明事縣國門先以

郡志後六邑刻畫城郭圖廂關

其書郡志十一卷鄞志
二卷奉化志二卷慈谿

志二卷定海志一卷昌國志一卷象山志
一卷府境縣境各治皆有圖咸淳年刊

厥後卅載暨

開慶丞相臣潛來旬宣軍防水則以次定經制稅賦兼

牢盆嘉禾繪獻民氣樂老謀憂國何時設門生日錫曰

應發承命執筆校秘文詩歌自可勒琬琰例以志體稍

殊懸

開慶改元吳潛以丞相領郡復續修四明志民政兵防士習軍食別自爲志以補前書又立水則自

撰平水

則記刊石門生慶元府教授梅應發沿海制置大使主管機宜文字劉錫編次末附詩詞四卷予謂於

志體不

合也自宋訖命更延祐袁桷方領編修官本之二志

著其概參之七觀究其原

王深寧應麟著四明七觀鈔括郡之掌故爲注釋延祐三

年袁學士桷復修郡志採其文冠于藝文考

誰其續者垂不刊猗惟王侯元

恭捉翰逾如椽其間首尾稱大備一代興廢略可言正至

時郡守王元恭續修延祐以前明內府不收弄文淵墜後事凡十六卷稱至正新志

簡終淪溷天一閣范碧山全家有善本頗自專叟當檄

取訶豪頑

宋兩志皆宋刊元兩志亦鈔本明代文淵內閣兩目皆不載海內藏書家亦無有齒及者

宋志惟予友全祖望家有之故予得見元志則天一閣范氏所藏也 榮陽南山堇山氏邦

有黎獻撫攬勤或罄繡藻采而有耀或大雅宏達而不

羣

榮陽外史鄭真南山先生黃潤玉堇山先生李堂各撰四明文獻志先次其行事後列著作

其書

同異具可核叟今何不重探論鄭黃止載郡人李則并次名宦抑吾又

聞杲堂李翁於叟爲先友高文煌煌稱大篇傳甬耆舊

一十卷能事直欲追古權

郡人李鄴嗣胡文學本四明風雅諸書哀集甬上耆舊自

漢至明未定爲詩史鄴嗣爲撰傳

叟今凡例一本此發幽表微疇謂不

然方今

聖主一寰宇睿算尤重海與邊三韓直達島倭接

宋時高麗

貢道由明州上見寶慶志及范石湖集

東南防守籌宜先舟山負隅歸版

籍時清喜停赤白丸 廟謨議此設重鎮厥餉幾何兵

幾千叟宜條晰陳要害宏論亦可銷戈鋌郡人聘修古

有例書法郡守名牽連

其在吾浙嘉興閩人碩德修嘉禾志德清談鑰修吳興志山陰

陸游修會稽志天台陳者卿修赤城志皆宋志之表表者上奏

天子 制稱善撤膳或賜兼珍筵叟今決去無遷延雪

花席大蔽江水烏篷船低壓兩肩行勝麟輶恣捆載湘

東斑管膠東箋阿育王山考古佛丹山洞天尋真仙搜

奇直扶圖經秘采隱不遺聲聞禪白頭自草丙舍帖歸

告先墓封樹寒焜煌家乘述祖德玩鹿亭古澤永縣

鹿玩

亭先生高祖鹿園都督所構因以名集

寒廳擁堵看秉筆一筆一削孰敢

千鼠鬚疾揮不及凍墨滯官受冰霜憐走願傳鈔備書
吏徵名亦得流丹鉛不朽盛事會有緣此意只恐天公
慳嗚呼此意只恐天公慳

吳江舟夜

蕭然襍被出河濬十月微暄似小春烟際有船呼戍柵
蘆中無路問儼人篝鐙酒味沾唇薄漬蟹薑芽斂手辛
棖觸吳江篙水三旬兩度往來頻

許上舍

源岳

出觀家伶四首

北寺看鐙憶七年玉釵羅襖晚風前一秋艷思三生夢
併逐笙歌上綺筵

林鶯恰恰試雛聲惱亂蒼涼客子情斜倚一行紅燭坐
畫簾風戛水紋生

香篆縈絲炷夕薰冰姿消得砑羅裙看來素壁秋鐙影
瘦較黃花更一分

闔門城上隱朝霞漏斷嚴更鼓不搯此夜可知歌吹煖
清霜烘後不成華

山塘泛舟

山塘七里界平流一櫂廻環散客愁花桁密時莎徑窄
茶寮清處畫簾鉤秋歸蕭寺餘紅葉雲落晴波似白鷗
莫便歸途悵風景家家鐙火上河樓

同作

錢唐周經邦理齋

景入初冬稱晚游
蒼深巖壑起人愁
千秋陳迹歸金
虎十里橫塘見玉鉤
古埕靜看棲怖
鴿畫船清似泛
輕漚
鳧溪尙有灣環路
夾岸蘆花盡白頭

許上舍惠菖蒲

菖本曾傳養目方
殷勤玉斧許分將
烟收密穗千重暈
露淪花蕞一味涼
上藥不須尋石髓
山齋畱待伴芝房
憑教午夜親黃妳
細葉森森發古香

海舶將發例皆合樂迎神主人邀子往觀娛燕及
夕請子作祀神歌

吳趨估客豪猶昔金塘玉漱同迴薄大柁高桅取次開
蹙向長洲河上泊鰕生倚權闔閭城覽物驚秋百感生
編郎招我船艙坐請試中流擊楫聲靈風颯爽飄雲幄
錦瑟銀箏聽不足越客新翻進酒辭吳兒解唱迎神曲
發船蚤打逢逢鼓村巫醉飽婆娑舞瑟瑟青楓送後潮
悠悠白水迷前渡迴首檣帆落照多靈湫龍女夜騰梭
請看大編乘風去萬里平恬海若波

烏戍

蒼涼西北柵六邑一灣通遠樹歸帆隔斜陽戍壘空風
流思九老顛顛倚孤篷回首吳趨路荒荒有朔風

題倪迂南湖陸高士宅圖用卷中韻

高士南湖宅流傳至正年山容同畫理陳迹兩茫然石
礪蒲根雨山廚木葉烟題詩輸懶瓚不共白雲眠

吳上舍

城

招集繡谷亭

狂客狂教促召齊過從只隔路東西三叉晚市稠燈火
十月寒街噤雨泥開卷就窻驅紙蠹避風遮戶見簾犀
緘詩并寄蟬花叟雛鳳聲清感玉谿

祥符寺

禮部貢院西更西古寺蠹蠹浮雲齊金碧已剝蝕猶剩
雕榱題茲寺創始何王時傳是大同二年邑人鮑侃捨

宅爲

見咸淳臨安志

衆善龍興屢改額大中勅賜榜額名長垂

遺址恢恢衍九里建炎建國乃始改築而小之縱錚軍

器所縱橫五兵貯

宋軍頭司巷在其地見夢梁錄今俗稱軍驛子巷是也

行都一

劫迹銷沈武庫茫茫在何處我欲禮覺公槍宿草陳荻

莽廻合我欲拓北海碑泐石曾無一段遺佛頭塵滿螺

髻青鍾暗鼓啞難爲聽罡風棱棱穿殿角鈴語斷續舍

淒靈錢王鑿井洩龍湫厥眼繁至九百九十九或是妙

莊王女剗後光在手或是國王夫人乳各五百道城頭

滴落千男口沈吟往事諷新詞欲爲曾蘇破詩杵上元

鐙火何年無香燒銀葉車咽塗百年瞥眼管興廢感此

突兀青浮圖，冰花匝地石牀冷。一片清光落峯影，荒廚
我無粥飯緣。偶持半偈參四禪，茶烟緩斜日。短命儔一
笑出三門，回首寒雲香刹滿。

梵天寺同周二學金吟金文淳作

白足紛紛展氎巾，梵音微妙佛堂新。帆橫江外天無際，
寺在山腰雲獨親。老樹日斜飛悴葉，壞幢風動散微塵。
盤盤仄磴虛亭接，歸路行歌雜負薪。

華嚴庵同丁敬訪孚中上人不值

言尋洪覺範著錄，署林間熟客邀。看竹孤僧偶出山，石
牀風自掃松院。午猶關嶺外迢迢路，沈吟未肯還。

蘋香齋諸子夜集分次王次回寒詞韻八首

燭花飄墮玉蟲寒橫幅冬林被酒看修竹自從離翠裏
十分風雪橫相干

青編長浣粉脂痕簾幙垂垂氣自溫吹處似蘭香辟蠹
不須酒脯祭長恩

香熏臥鴨裊微烟手炙張銅坐意錢真個謝庭清似水
旋吹風絮到簾邊

羊角燈燒一院明枇杷花發夜香清同來山字屏邊立
釧動釵飛獨憶卿

凍雀偷香踏折枝畫堂清絕峭寒時郎情比似溫墩酒

冷暖憑他綠玉卮

日上三商起尙遲
睡紋親見斷紅時
梅兄攀弟蕭閒甚
冷臥銅餅各一枝

竹鑪風定散茶烟
藥院聲清凍手煎
一樹香黃自酸楚
擘橙風味諳中邊

生盆青鴿逗微紅
衫搵啼痕旋自烘
滿樹碎寒金尙淺
一雙翠羽踏雕籠

越日復和四首

鶯語偏宜暖玉軀
烏圓新與小名呼
蕭晨炙研調珠露
呵點蒙求教阿奴

滿頭蓮草壓花冠薄著吳綿故忍寒八幅畫裙長窄地
卻畱微步恣郎看

定瓷清茗許分嘗銀燭因風見跋長當而爲郎呵彩筆
似蘭吹過口脂香

纖手呵寒放剪刀迢迢清景夢難描瓊樓閣風兼雨
冰筋來朝一萬條

道古堂詩集卷四